

# Ngakchia Chimhhrinnak le Nulepa Upatnak A Biapitnak

Ngakchia cu a zulh awk a simi lam  
kha cawnpiak law a upat tikah cu  
lam cu a pialtak ti lai lo.

Phungthlukbia 22:6



## Nulepa caah

Zohhmanh, fale cu Bawipa ro an si i nu paw chung theitlai cu a laksawng a si. Salm 127:3

A òhiangòhunh a zum lomi nih cun a fapa kha a huat a si, sihmanhsehlaw a dawtu nih cun tuan tein a chimhhrin. Phungthlukbia 13:24

Bawipa òhna ah hin zumhnak fek a um i a fale nih himnak hmun an ngei lai.

Phungthlukbia 14:26

Ruahchannak a um chung cu na fapa kha chimhhrin law a òhna kha na ngaihchih hlah.

Phungthlukbia 19:18

Ngakchia lung chungah hruhnak a um; sihmanhsehlaw chimhhrinnak òhiangòhunh nih a hlatpi ah a daw lai. Phungthlukbia 22:15

Ngakchia kha chimhhrinh kha i sum hlah, zeitintiah fung in na tuk ahcun a thi lai lo. Fung in na tuk lai i a thlarau cu hell chungin na khamh lai. Phungthlukbia 23:13-14

Fung le chimhhrinnak nih fimnak an pek, sihmanhsehlaw ngakchia cu a nu le a pa kha ningzahnak a pek hna. Phungthlukbia 29:15

Na fapa kha chimhhrin law dinhnak an pek lai; a si, na thlarau kha lawmhnak a pek lai.

Phungthlukbia 29:17

Cun na fale vialte cu Bawipa nih a cawnpiak hna lai; cun na fale hna daihnak cu a ngan lai.

Isaiah 54:13

A fapa a dawtu nih cun a donghnak ah lawmhnak a hmuh khawh nakhnga caah fung kha a tawng h tawn. A fapa a chimhhrinmi nih cun a cungah lawmhnak a ngei lai i a hawile lakah a fapa cu an lawmhpi lai. A fapa a cawnpiaktu nih cun a ral kha a ngaih a chiatter i a hawile hmaiah khan a lunglawmhnak a si. A pa cu thi hmanh seh law, a thi lo bantuk a si ko, zeicahtiah amah bantuk pakhat kha a kaltak ko. A nun lioah khan amah cu a hmuh i aa lawm, a thih tikah a ngaih a chia lo. A ral hna cungah lehrulhnak a tuahtu le a hawile cungah zaangfahnak a lehrulhtu ding kha a kaltak hna. A fapa kha tamtuk in a serhsatmi nih cun a hma kha a òem lai; cun a au tik paoh ah a pawpi cu a hnin lai. Rang a kiak lomi cu a lung a hak lai i ngakchia cu amah lawngin umter a si lai. Na fa cu hlen law an ùhter lai, amah he lente celh law ngaihchiatnak ah an phakter lai. Amah he i hnih hlah, amah he ngaihchiatnak na ngeih sual lai i a donghnak ah na ha na rial sual lai. A no lio ah luatnak pe hlah, a hruhnak kha mithmai panh hlah. A ngakchiat lio tein a hngawng kha kun law ngakchia a si lio tein a hnak in tuk, cuticun a lung a hak sual lai i na nawl an ngaih sual lai i cuticun na lung kha ngaihchiatnak a tlunter sual lai. Na fapa kha chimhhrin law rian ùanter, cuticun a ningcang loin a umtuning cu na caah an pialter sual lai. Sirach 30:1-13

## Ngakchia caah

Bawipa nan Pathian nih an pekmi hna ram ah hin saupi nan um lai, nan nu le nan pa kha upat hna u. Exodus 20:12

Ka fapa, Bawipa chimhhrinnak kha va rel hlah; a chimhhrinnak zong kha ngol hlah:

Bawipa nih a dawtmi paoh kha a chimhhrin hna; pa nih a fapa a dawt bantukin.

Phungthlukbia 3:11-12

Solomon phungthlukbia hna. Fapa fim nih cun a pa cu a lawmhter, sihmanhsehlaw fapa hrut nih cun a nu caah ngaihchiatnak a pek. Phungthlukbia 10:1

Nangmah an hrintu na pa bia kha ngai law na nu a tar tikah zeirello hlah.

Phungthlukbia 23:22

Ngakchia hna, nan nu le nan pa bia ngai hna u, zeicahtiah cucu a hmaanmi a si. Na nu le na pa upat hna; cucu biakamnak aa telmi nawlbial hmasa bik kha a si; Cuticun na caah a òha lai i vawlei cungah saupi na nun lai. Efesa 6:1-3

Na pa kha na lungthin dihlak in upat law na nu ngaihchiatnak kha philh hlah. Anmah sinin hrinmi na si kha philh hlah; cun nangmah ca i an tuahmi thil kha zeitindah na cham khawh hna lai?” Sirach 7:27-28

Ka fale hna, nan pa, ka bia hi ngai tuah u law nan him nakhnga tuah u. Zeicahtiah Bawipa nih pa cu fale cungah upatnak a pek hna i nu nih fapa cungah nawl ngeihnak a pek hna. A pa a upatmi paoh cu a sualnak caah remnak a ser. Cun a nu a upatmi cu chaw a khonmi bantuk a si. A pa a upatmi paoh cu a fale nih lawmhnak an hmuh lai; thla a cam tikah Pathian nih a ngaihpiak lai. A pa a upatmi cu nun saupi a ngei lai; cun Bawipa nawl a ngaimi cu a nu caah hnangamnak a si lai. Bawipa a tihmi nih cun a pa kha a upat lai i a nu le a pa kha a bawile rian bantukin a tian lai. Na nu le na pa kha bia in siseh, tuahsernak in siseh, upat hna law an sinin thluachuahnak an tlung lai. Zeicahtiah pa thluachuahnak nih fale innchungkhar kha a fehter; sihmanhsehlaw nu chiatserhnak nih hram a hrawh. Na pa ningzahnak kha i porhlaw hlah; zeitintiah na pa ningzahnak cu na caah sunparnak a si lo,” tiah a ti. Zeicahtiah minung sunparnak cu a pa upatnak thawng khan a si; cun ningzahnak a tongmi nu cu fale caah ningzahnak a si. Ka fapa, na pa cu a chan chungah bawm law a nun chung paoh cu ngaihchiatter hlah. Cun a fimnak a der ahcun lungsau tein um ko; cun na thazang a tling tikah amah kha zeirel hlah. Zeicahtiah na pa bawmhnak cu philh a si lai lo, cun sualnak can ah nangmah thazaang peknak caah chap a si lai. Harnak na in ni ah cun hngalh tian a si lai; na sualnak zong cu nikhua lum caan i tikhor bantukin an ti lai. A pa a hlawmi cu Pathian thangchiattu bantuk a si; cun a nu a thin a huntertu cu chiatserhmi a si: Pathian nih. Sirach 3:1-16

Kan fale kan chimhhrin hna ahcun a tu ah an ṭap lai nain hmailei ah an i nuam lai.  
Kan fale kan chimhhrin hna lo ahcun atu ah an i nuam lai nain hmailei ah an ṭap lai.

Hngakchia hna hi kan ram hmailei an si. Asinain chimhhrin loin an tar sual ahcun kan ram hmailei zeidah a lawh lai?

Upa pakhat nih a ngeihmi ziaza ṭhalo vialte cu ngakchia a si lio ah remh le chimhhrin a si lomi ziaza ṭhalo vialte an si. Pathian a tihmi, a dawmi le a nawl a ngaimi fale kan cawmken hna a hau.

A nungmi vutcam pakhat ka lak  
Cun nikhat hnu nikhat nem tein a ser  
Kum a liam tikah ka ra tthan  
Ka zohmi pa a si  
A hlan i a rak i lawmhnak kha a rak i hruk rih  
Cun amah cu ka thlen kho ti lai lo